

South Sotho - Agape Mangolo - God's Love Letter Scriptures

Johanne 15:9 Jwalokaha Ntate a nthatile, le nna ke le ratile jwalo; dulang leratong la ka.

Esaia 43:1 Empa jwale, ho itswe ke Jehova, moetsi wa hao, Jakobo, le mmopi wa hao, Israele: Se tshabe, hobane ke o lopolotse, ke o bitsitse ka lebitso la hao, o wa ka!

Jeremia 1:5 Ke o tsebile ke eso ho o bope mpeng ya mmao; o eso ho tswe popelong, ke o kgethile, mme ke o beile moporofeta wa ditjhaba.

Johanne 15:16 Hase Iona le nkgethileng, ke nna ke le kgethileng, mme ke le beile hore le ye, mme le behe, mme ho beha ha wona ho tiye, e leng hore tsohle tseo le ka di qelang ho Ntate ka lebitso la ka, a le fe tsona.

3 Johanne 1:2 Moratuwa, ke rata hoba o atlehe nthong tsohle, mme o iketle mmeleng wa hao, jwalokaha moyo wa hao o atlehile.

Esaia 43:4 Hobane o bile thata mahlong a ka, mme ke o hlonophile, ke o ratile; ke bea batho bakeng sa hao, le ditjhaba ho lopolla bophelo ba hao.

Jeremia 31:3 Jehova o iponahaditse ho nna a le hole, a re: E, ke o rata ka lerato le sa feleng; ka baka leo, ke tla o bolokela mohau wa ka.

Hosea 11:8 Oho! nka o lahla jwang, Efraime? Israele, nka o tela jwang? Nka o lahla jwang jwaloka Adma? Nka o etsa jwang jwaloka Tseboime? Pelo ya ka e fetoha ka ho nna, mehauhelo ya ka yohle e tsohile.

Johanne 3:16 Hobane Modimo o ratile lefatshe hakalo, o bile wa le nea Mora wa wona ya tswetsweng a nnotshi; hore e mong le e mong ya dumelang ho yena, a se ke a timela, a mpe a be le bophelo bo sa feleng.

Esaia 49:15,16 Hleka mosadi a ka lebala lesea leo a le anyesang na? Na a ka lesa ho hauhela ngwana wa mala a hae na? Empa le hoja a ka mo lebala, nna, nke ke ka ba ka o lebala. 16 Bona, ke o ngodile diatleng tsa ka; marako a hao a pela ka kamehla.

Esaia 41:13 Hobane ke nna Jehova, Modimo wa hao, ya o tshwereng ka letsoho la hao le letona, ya reng ho wena: Se tshabe, ke nna ke o thusang.

Mattheu 28:20 mme le ba rute ho boloka tsohle tseo ke le laetseng tsona. Mme bonang, nna, ke na le Iona kamehla yohle, ho Esaia bofelong ba lefatshe.

Johanne 14:1 Pelo tsa Iona di se ferekane; dumelang ho Modimo, le ho nna le dumele.

Esaia 41:14 O se ke wa tshaba, wena sebokonyana, Jakobo, mosalanyana wa Israele; ke nna ke o thusang, ho bolela Jehova; Mohalaledi wa Israele ke Molopelli wa hao.

Esaia 43:2 Ha o tshela hara metsi, ke tla ba le wena; ha o tshela dinoka, di ke ke tsa o nka: leha o feta hara mollo, o ke ke wa tjha, le malakabe a ke ke a o tlabola.

Dipesaleme 23:1-6 Pesaleme ya Davida. 1 Jehova ke modEsaia wa ka, nke ke ka hloka letho. 2 O mphomotsa makgulong a mata, o ntsamaEsaia pela metsi a kgutsitseng. 3 O hlabolla moyo wa ka; o ntsamaEsaia mehlaleng ya ho loka, ka baka la lebitso la hae. 4 Leha nka tsamaya kgohleng ya moriti wa lefu, nke ke ka tshoha bobo leha bo le bong, hobane o na le nna; lere la hao le seikokotlelo sa hao ke tsona tse ntshedisang. 5 O teka tafole pela ka, pontsheng ya dira tsa ka; o tlotsitse hlooho ya ka ka ole, mohope wa ka o a kgaphatseha. 6 Ruri, lehlohonolo le mohau di ntse di ntatela ka ditshiu tsohle tsa ho phela ha ka, mme ke tla nne ke hlole ka tlung ya Jehova kamehla.

Johanne 14:27 Ke le siela kgotso; ke le fa kgotso ya ka; ha ke le fe kamoo lefatshe le fang kateng. Dipelo tsa Iona di se ferekane, mme di se tshohe.

Bafilipi 4:7 Mme kgotso ya Modimo, e fetisang kutlwiso yohle, e tla boloka dipelo tsa Iona le mehopoly ya Iona ho Jesu Kreste.

Diproverbia 3:24 Leha o ya robala, o ke ke wa tshoha; ha o se o kgalehile, boroko ba hao bo tla ba monate.

Dipesaleme 4:8 Ke sekama ka kgotso, ke be ke ithoballe ka kgotso, hobane, Jehova, ke wena o nnotshi ya nkahisang boiketlong.

Dipesaleme 33:18 Bonang, mahlo a Jehova a hodima ba mo tshabang, ba tshepang mohau wa hae,

Baroma 5:2 e leng yena eo hape re boneng ka yena, ka tumelo, katamelo mohaung ona, oo re emeng ho wona, mme re ithorisetsa tshepong ya kganya ya Modimo.

Esaia 55:12 Hobane le tla tloha ka thabo, le tsamaiswe ka kgotso; dithaba le maralla di tla ntsha mehoo ya nyakallo pela Iona, difate tsohle tsa na ha di ope diatla.

Johanne 16:22 Le Iona le utlwa bohloko jwale; empa ke tla boela ke le bone, mme dipelo tsa Iona di tla thaba, mme ha ho motho ya tla le amoha thabo ya Iona.

Luka 12:9 Etlare ha ba le Esaia masinagogeng, le pela baholo le babusi, le se ke la belaella mokgwa oo le tla ikarabela ka wona, leha e le seo le tla se bolela;

Mattheu 10:30 Esita le qoba tsa moriri wa hlooho tsa Iona di badilwe kaofela.

Esaia 54:10 Dithaba di ka sutha, maralla a sisinyeha, empa mohau wa ka o ke ke wa tloha ho wena, mme selekane sa ka sa kgotso se ke ke sa sisinyeha: ho bolela Jehova ya o hauhetseng.

Mattheu 11:28-30 Tloong ho nna, Iona bohle ba kgathetseng, ba imelwang, mme ke tla le imolla! 29 Inkeleng joko ya ka, mme le ithute ho nna; hobane ke mosa le pelo e nolo, mme le tla fumanelo meya ya Iona phomolo. 30 Hobane joko ya ka e tjatsi, le phahlo ya ka ha e na boima.

Sefela sa Solomone 2:10 Moratuwa wa me o a bua, o re ho nna: Tsoha, thatohatsi ya ka e ntie, tloha mona, o tle!

Hosea 2:14,19,20 Ka baka leo, bonang, ke tla mo qeka, ke mo ise feelleng, ke bue tse kgodisang pelo ya hae. 19 Ke tla o nyala, o be wa ka ka ho sa feleng, ke o nyale ho lokeng, le kahlolong, le mohaung, le lerekong, 20 ke o nyale le ho tshepeheng, mme o tla tseba Jehova.

Eksoda 3:14 Yaba Modimo o re ho Moshe: Ke nna Ya-leng-teng. Hape wa re: O tla rialo ho bana ba Israele, o re: Ya-leng-teng o nthomile ho Iona.

Hosea 13:4 Atha nna ke Jehova Modimo wa hao, haesa le o etswa lefatsheng la Egepeta; kantle ho nna, ha o tsebe Modimo o mong, le Mopholosi ha a yo, haese nna.

Johanne 15:14 Lona le tla ba metswalle ya ka, ha le etsa tsohle tseo ke le laelang tsona.

Tshenolo 3:20 Bona, ke eme monyako, mme ke a kokota; ekare ha e mong a utlwa lentswe la ka, mme a bula monyako, ke tla kena ha hae, mme ke tla lalla le yena, le yena le nna.